





第一三四八冊

四庫全書

●上海古籍出版社

本冊目次

樂府詩集(一)	樂府詩集(二)
歲時雜詠	歲時雜詠
殿陵集	殿陵集
附嶽酬錄	附嶽酬錄

宋郭茂倩輯……………一	宋蒲積中編……………二〇七	宋董弁編……………五三三	宋朱熹等撰……………六〇七
-------------	---------------	--------------	---------------

欽定四庫全書

集部
樂府詩集卷七十六至八十五

詳校官庶吉士臣柳道祖

助教臣常惻覆勘

總校官知縣臣繆琪

校對官編修臣秦瀛

謄錄監生臣孫承基

欽定四庫全書

樂府詩集卷七十六

雜曲歌辭

宋 郭茂倩 輯

搗手曲

沈約

搗手曲梁沈約所制也樂府解題曰搗手

曲言搗手行樂恐芳時不畱君恩將歇也

搗臂下雕輅更衣奉玉牀聯臂映秋水開鏡比春妝所

欽定四庫全書

樂府詩集卷七十六

畏紅顏促君恩不可長鵲冠且容喬豈吝桂枝亡

同前

吳均

豔喬陽之春搗手清洛濱雞鳴上林苑薄暮小平津長

裾潔白日廣袖帶芳塵故交一如此新知詎憶人

同前

王娥

搗手共惜芳菲節驚啼錦花滿城關行樂遙遙念容色

色衰祇恐君恩歇鳳笙龍管白日陰盈虧自感青天月

邯鄲行

陸厥

通典曰邯鄲戰國時趙國所都自敬侯始

都之有叢臺洪波臺在焉邯山名邯盡也

樂府廣題曰邯鄲舞曲也

趙女振鳴琴邯鄲紛躑步長袖曳三街兼金輕一顧有

笑獨臨風佳人在遐路相思欲寄叢臺日已暮

邯鄲歌

梁武帝

回顧瀾陵上北指邯鄲道短衣妾不傷南山為君老

大垂手

吳均

欽定四庫全書

樂府詩集
卷七十六

樂府解題曰大垂手小垂手皆言舞而垂

其手也隋江總婦病行曰夫婿府中趨誰

能大垂手是也又獨搖手亦與此同

垂手忽迢迢飛燕掌中嬌羅衫惹風引輕帶任情搖詎

似長沙地促舞不回腰

同前

鼎夷中

金刀剪輕雲盤用黃金縷裝束趙飛燕教來掌上舞舞

罷飛燕死片片隨風去

小垂手

吳均

舞女出西秦蹁跹舞陽春且復小垂手廣袖拂紅塵折

腰應兩笛頓足轉雙巾蛾眉與慢臉見此空愁人

夜夜曲二首

沈約

夜夜曲梁沈約所作也梁樂府解題曰夜

夜曲傷獨處也

北斗闌干去夜夜心獨傷月輝橫射枕燈光半隱牀

河漢縱復橫北斗橫復直星漢空如此寧知心有憶孤

欽定四庫全書

樂府詩集
卷七十六

燈暖不明寒機曉猶織零淚向誰道雞鳴徒歎息

同前

梁簡文帝

靄靄夜中霜河開向曉光枕啼當帶粉身眠不著牀蘭

膏盡更益薰鑪滅復香但問愁多少便知夜短長

同前

王偃

愁人夜獨傷滅燭卧蘭房祇恐多情月旋來照妾牀

同前

北斗星移銀漢低班姬愁思鳳城西青槐陌上人行絕

明月樓前烏夜啼

同前

僧貫休

蟋蟀切切風騷騷芙蓉噴香蟾蜍高孤燈耿耿征婦勞
更深撲落金錯刀

秋夜長

王融

魏文帝詩曰漫漫秋夜長烈烈壯風涼展
轉不能寐披衣起彷徨彷徨忽已久白露
沾我裳俯視清水波仰看明月光又曰草

欽定四庫全書

卷七十六

蟲鳴何悲孤雁獨南翔鬱鬱多悲思縣縣

思故鄉秋夜長其取諸此

秋夜長夜長樂未央舞袖拂花燭歌聲繞鳳梁

同前

王勃

秋夜長殊未央月明白露澄清光層城絢閣遙相望遙
相望川無梁北風受節南雁翔蘭委質時菊芳鳴環
曳履出長廊為君秋夜擣衣裳纖羅對鳳凰丹綺雙鴛
鴦調砧亂杵思自傷思自傷征夫萬里戍他鄉鶴關音

信斷龍門道路長所在天一方寒衣徒自香

同前

張籍

秋天如水夜未央天漢東西月色光愁人不寐畏枕席
暗蟲唧唧遠我傍荒城為村無更聲起看北斗天未明
白露滿田風裊裊千聲萬聲鷓鴣鳴

秋夜曲二首

王建

天清漏長霜泊泊蘭綠收榮桂膏潤高樓雲鬋弄嬋娟
古瑟暗斷秋風弦玉關遙隔萬里道金刀不剪雙溪泉

欽定四庫全書

卷七十六

香囊火死香氣少向惟合眼何時曉一作向誰眠城烏

作營啼野月秦州少婦生離別

秋燈向壁掩洞房良人此夜直明光天河悠悠漏水長

南樓北斗兩相當

同前二首

王維

丁丁漏水夜何長漫漫輕雲露月光秋聲聞蟲通夕響
寒衣未寄莫飛霜
桂魄初生秋露微輕羅已薄未更衣銀箏夜久殷勤弄

心怯空房不忍歸

夜坐吟

鮑照

夜坐吟鮑照所作也其辭曰冬夜沉沉夜

坐吟言聽歌逐音因音託意也宗夫又有

遙夜吟則言永夜獨吟憂思未歇與此不

同

冬夜沉沉夜坐吟含情一作聲未發已知心霜入幕風度

林未燈滅未願尋體君歌逐君音不貴聲貴意深

欽定四庫全書

樂府詩集
卷七十六

同前

李白

冬夜夜寒覺夜長沉吟久坐坐北堂冰合井泉月入閨

青缸凝一作金明照悲啼青一作金缸滅啼轉多掩妾淚

聽君歌歌有聲妾有情情聲合兩無違一語不入意從

君萬曲梁塵飛

同前

李賀

踏踏馬頭一作蹄誰見過眼看北斗直天河西風羅幕生

翠波鉛華笑妾顰青蛾為君起唱一作舞長相思簾外嚴

霜皆倒飛明星爛爛東方陸紅霞稍出東南涯陸郎去
笑乘斑駁

遙夜吟

宗夫

遙夜復遙夜遙夜憂未歇坐對風動帷卧見雲間月

寒夜怨

陶弘景

樂府解題曰晉陸機獨寒吟云雪夜遙思

君寒牕獨不寐但叙相思之意爾陶弘景

有寒夜怨梁簡文帝有獨處愁亦皆類此

欽定四庫全書

樂府詩集
卷七十六

夜雲生夜鴻驚悽切啾啾傷夜情空山霜滿高煙平鉛

華沈照帳孤明寒日微寒風緊愁心絕愁淚盡情人不

勝怨思來誰能忍

寒夜吟

鮑溶

九衢金吾夜夜行上宮玉漏遙分明霜飈乘陰掃地起

旅鴻迷雪繞枕聲遠人歸夢既不成留家惜夜歡心發

羅幕畫堂深故深蘭烟對酒客幾人獸火揚光二三月

細腰楚姬綠竹間白芍長袖歌間間豈識苦寒損朱顏

獨處愁

梁簡文帝

司馬相如美人賦曰芳香郁烈黼帳高張
有女獨處宛然在牀乃歌曰獨處室兮廓
無依思佳人兮情傷悲獨處愁蓋取諸此
獨處恒多怨聞暮試臨風彈琴鏡奩上傳粉高樓中白
君征馬去音信不曾通只恐金屏掩明年已復空

憂旦吟

張融

鳴琴當春夜春夜當鳴琴
琴人不及樂一作自不樂何似千

里心

樂府詩集卷七十六

雙婦吟

蕭摛

寒夜靜房櫳孤妾思偏繁
悲生聚紺黛淚下浸妝紅
恨繁心裏含啼歸帳中會須明月落那忍見牀空

同聲歌

張衡

樂府解題曰同聲歌漢張衡所作也言婦
人自謂幸得充閨房願免供婦職不離君
子思為莞簟在下以蔽匡牀衾裯在上以

護霜露縫綵枕席沒齒不忘焉以喻臣子
之事君也晉傅元何當行曰同聲自相應

同心自相知言結交相合其義亦同也

邂逅承際會得充君後房情好新交接恐若探湯不
才勉自竭賤妾職所當網繆主中饋奉禮助蒸嘗思為
苑弱席在下蔽匡牀願為羅余幃在上衛風霜洒掃清
枕席艱芬以狄香重戶結金扁高下華燈光衣解中粉
御列園陳枕張素女為我師儀態盈萬方衆夫所希見
欽定四庫全書

樂府詩集卷七十六

何當行

傅玄

同聲自相應同心自相知外合不由中雖固終必離管
鮒不世出結交安可為

定情詩

繁欽

樂府解題曰定情詩漢繁欽所作也言婦
人不能以禮從人而自相悅媚乃解衣服
玩好致之以結網繆之志若肩環致拳拳

指環致殷懃耳珠致區區香囊致扣扣跳

脫致契濶佩玉結恩情自以為志而期於

山隅山陽山西山北終而不答乃自傷悔

焉

我出東門遊邂逅承清塵思君即幽房侍寢執衣中時

無桑中契迫此路側人我即媚君安君亦悅我顏何以

致拳拳縮臂雙金環何以致慇懃約指一雙銀何以致

區區耳中雙明珠何以致叩叩香囊繫肘後何以致契

欽定四庫全書

卷七十六

濶脫雙跳脫何以結恩情佩玉綴羅縵何以結中心

素練連雙針何以結相於金薄畫搔頭何以慰別離耳

後瑇瑁釵何以答懽悅紉素三條裾何以結愁悲白綃

雙中衣與我期何所乃期東山隅日旰兮不至谷風吹

我襦遠望無所見涕泣起踟躕與我期何所乃期山南

陽日中兮不來飄風吹我裳道遠莫誰親望君愁我腸

與我期何所乃期西山側日夕兮不來踟躕長歎息遠

望涼風至俯仰正衣服與我期何所乃期山北岑日昇

兮不來淒風吹我衿望君不能坐悲苦愁我心咬身以

何為惜我華色時中情既款款然後尅密期塞衣躡花

草謂君不我欺廁此醜陋質徒倚無所之自傷失所欲

淚下如連絲

定情篇

喬知之

共君結新締歲寒未未卜相與遊春園各隨情所逐君

念菖蒲花妾感苦寒竹苦花多豔妾寒竹有貞葉此時

妾比君君心不如妾簪玉步河堤交關一援絲戴見雁

欽定四庫全書

卷七十六

將子遊鸞鸞從雙栖君念春光好妾向春光啼君時不

得意妾棄還金閨結關一本同心悲懽何未齊怨明前

致辭願得中所悲人間丈夫易世路婦難為始經天月

照終若流星馳長信佳麗人失意非蛾眉廬江小吏婦

非關織作逋本願長相對今已長相思復有遊宦子結

援從梁陳燕居崇三朝去來歷九春誓心妾終始蠶桑

奉所親歸願未克從黃金贈路人潔婦懷明義從汎河

之津于今千萬年誰當問水濱更憶倡家樓夫婿事封

候去時思灼灼去罷心悠悠不憐妾歲晏千載隴頭
以茲常惕惕百慮恒盈積由來其結襦幾人同匪石故
歲雕梁驚雙去今來隻今日玉庭梅朝紅暮成碧碧榮
始芬敷黃葉已漸漉何用念芳春芳春有流易何用重
懽懽懽懽懽俄威威家本巫山陽歸去路何長叙言情未
盡採葉已盈筐桑日開一映物草色盈高岡下有碧流
水上有丹桂香桂枝不須折碧流清且潔贈君比芳菲
受惠常不減贈君淚潺湲相思無斷絕妾有秦家鏡寶
欽定四庫全書

卷七十六

十三

畫裝珠璣鑑來年二八不記易陰暉妾開一先寂寂委
照影依依今日持為贈相識莫相違

定情樂

施肩吾

敢嗟君不憐自是命不諧著破三條裾卻還雙股釵

合歡詩五首

楊方

樂府解題曰合歡詩晉楊方所作也言婦
人謂虎嘯風起龍躍雲浮磁石引針陽燧
改火皆以同聲相應同氣相求我與君情

亦猶形影宮商之不離也常願食共並根
穗飲共連理杯衣共雙絲絹寢共無縫綢
坐必接膝行必攜手如鳥同翼如魚比目
利斷金石密踰膠漆也

虎嘯谷風起龍躍雲景浮同聲好相應同氣自相求我
情與子親譬如影追軀食共根穗飲共連理杯衣共
雙絲絹寢共無縫綢居願接膝坐行願攜手趨子靜我
不動子遊我不畱齊彼同翼鳥譬如魚情至斷金
石膠漆未為牢但願長無別合形作一軀生為併身物
死為同棺灰秦氏自言至我情不可傷

卷七十六

十三

磁石引針針陽燧下炎烟宮商聲相和心同自相親我
情與子合亦如影追身寢共織成被絮共同功綿暑搖
比翼扇寒坐併肩氈子笑我必哂子慰我無歡來與子
共述去與子同塵齊彼蛩蛩舉動不相捐惟願長無
別合形作一身生有同室好死成併棺民徐氏自言至
我情不可陳

獨坐空室中，愁有數千端。悲響答愁歎，哀淚應苦言。彷徨四顧望，白日入西山。不覩佳人來，但見飛鳥還。飛鳥亦何樂，夕宿自作羣。

飛黃街長轡，翼翼向輕輪。俯涉深水澗，仰過九層山。脩途曲且險，秋草生兩邊。黃華如香金，白花如散銀。青敷羅翠采，絳葩象赤雲。爰有承露枝，紫榮合素分。扶路重清藻，布翹芳且鮮。目為豔采回，心為奇色旋。撫心悼孤客，俯仰還自憐。踟躕向壁歎，攬筆作此文。

欽定四庫全書

樂府詩集卷七十六

十四

南隣有奇樹，承春挺素華。豐翹被長條，綠葉蔽朱柯。因風吹微音，芳氣入紫霞。我心羨此木，願徙著子家。夕得遊其下，朝得弄其葩。蘭根深且堅，予宅淺且滄。移植良無期，欲息將如何。

樂府詩集卷七十六

欽定四庫全書

樂府詩集卷七十七

宋 郭茂倩 輯

雜曲歌辭

春江行

梁簡文帝

唐郭元振曰：春江，巴女曲也。

客行祇念路相爭，渡京口誰知堤上人。拭淚空搖手，

春江曲

郭元振

欽定四庫全書

樂府詩集卷七十七

江水春沈沈，上有雙竹林。竹葉壞水色，郎亦壞人心。

同前

張籍

春江無雲潮水平，蒲心出水鳬雛鳴。長干夫婿愛遠行，自染春衣縫已成。妾身生長金陵側，去年隨夫住江北。春來未到父母家，舟小風多渡不得。欲辭舅姑先問人，私向江頭祭水神。

同前三首

張仲素

搖漾越江春，相將看白蘋。歸時不覺夜，出浦月隨人。

家寄征江岸
征人幾歲遊
不知潮水信
每日到沙頭
乘晚南湖去
參差疊浪橫
前洲在何處
霧裏雁嚶嚶

江上曲

謝朓

弋陽春草出
踟躕日已暮
蓮葉尚田田
淇水不可渡
願子淹桂舟
時同千里路
千里既相許
桂舟復容與
江上可采菱
清歌共南楚

同前

李嘉祐

江上澹澹芙蓉花
江口蛾眉獨浣沙
可憐應是陽臺女

欽定四庫全書

卷之十七

坐對鸛鵲嬌
不語掩面羞
看北地人回首
忽作空山雨
蒼梧秋色不堪論
千載依依帝子魂
君看峰上班班竹
盡是湘妃泣淚痕

江阜曲

王融

林斷山更續
洲盡江復開
雲峰帝鄉起
水源桐柏來

楊花曲

湯惠休

歲華結情宛轉
風含思掩涕
守春心折蘭
還自遺江南
相思引多歎
不成音黃鶴
西北去銜我
千里心深堤

下生草
高城上入雲
春人心生思
思心長為君

桃花曲

梁簡文帝

但使新花豔
得聞美人簪
何須論後實
怨結子瑕心

同前

顧況

魏帝宮人舞鳳樓
隋家天子泛龍舟
君王夜醉春眠晏
不覺桃花逐水流

映水曲

范靜妻沈氏

輕簾學浮雲
雙蛾擬初月
水澄正落釵
萍開理垂髮

欽定四庫全書

卷之十七

登樓曲

范靜妻沈氏

憑高川陸近
望遠阡陌多
相思隔重嶺
相憶限一長

河

越城曲

別怨悽歌響
離啼溼舞衣
願假烏樓曲
翻從南向飛

迎客曲

徐勉

絲管列舞席
陳金聲未奏
待嘉賓羅絲管
舒舞席斂袖
嘿肩迎上客

送客曲

徐勉

袖繡紛聲委咽餘曲未終高駕別爵無算景已流空紆
長袖客不留

送歸曲

吳均

送子獨南歸攬衣空閑然關山畫欲暗冰夜向塞驚
至他人鄉雁去還誰國寄子兩行書分明達濟北

還臺樂

陸瓊

蒲萄四時芳醇瑤瑤千鍾舊賓夜飲舞邊銷燭朝醒絃
欽定四庫全書

樂府詩集
卷九十七

促催人春風秋月恒好驪醉日月言新

芙蓉花

辛德源

洛神挺凝素文君拂豔紅麗質徒相比鮮彩兩難同光
臨照波日香隨出岸風涉江良自遠託意在無窮

浮遊花

窗中斜日照池上落花浮若畏春風晚嘗思秉燭遊

芳林篇

柳惔

芳林瞻兮發朱榮時既晚兮隨風零隨風零兮返無期

安得陽華遺所思

上林

梁昭明太子

千金騁駿騎萬斤流水車爭遊上林苑高蓋逗春華

夾樹

吳均

桂樹夾長歧復值清風吹氛氲採芳葉連綿交密枝能
迎春露點不逐秋風移願君長惠愛當使歲寒知

樹中草

梁簡文帝

幸有青袍色聊因翠幄凋雖間珊瑚蒂非是金歡條

欽定四庫全書

樂府詩集
卷九十七

同前

李白

鳥銜野田草誤入枯桑客土植危根逢春猶不死草
木雖無情因依尚可生如何同枝葉各自有枯榮

同前

張祐

青青樹中草託根非不危草生樹卻死榮枯君可知

城上麻

吳均

麻生滿城頭麻葉落城溝麻莖左右披溝水東西流少
年感恩命奉劍事西周但令直心盡何用返封侯

燕燕于飛

江總

燕燕詩曰燕燕于飛差池其羽之子于歸

遠送于野燕燕于飛益出於此按燕燕本

衛莊姜送歸妾之詩也若江總辭詠雙燕

而已

二月春暉暉雙燕理毛衣銜花弄雛靡拂葉隱芳菲或在堂間戲多從幕上飛若作仙人履終向日南歸

錦石橋流黃

隋煬帝

欽定四庫全書

卷五十七

六

漢使出燕然愁聞夜不眠易製殘燈下鳴砧秋月前今夜長城下雪昏月應暗誰見倡樓前心悲不成慘

河曲遊

盧思道

鄴下盛風流河曲有名遊應徐託後乘車馬踐芳洲手茸雞樹密遙裔鶴烟稠日上疑高蓋雲起類重樓金羈自沃若蘭棹成夷猶懸艷動清吹采菱轉豔謳還珂響金埒歸袂拂銅溝唯畏三春晚勿言千載憂

城南隅燕

盧思道

城南氣初新才王邀故人輕盈雲映日流亂鳥啼春花

飛北寺道經散南漳濱舞動淮南袖歌揚齊后塵駢鑣

歇夜馬接軫限歸輪公孫飲彌月平原讌浹旬即是消

聲地何須遂避秦

喜春遊歌二首

隋煬帝

禁苑百花新佳期遊上春輕身趙皇后歌曲李夫人步緩知無力臉慢動餘嬌錦袖淮南舞寶袿楚宮腰

春遊吟

李章

欽定四庫全書

卷五十七

七

初春過芳甸千里謁盈矚美人摘新英步步玩春綠所思杳何處宛在吳江曲可憐不得共芳菲日暮歸來淚滿衣

春遊樂

施肩吾

一年三百六十日賞心那似春中物草迷曲塢花滿園東家少年西家出

同前二首

李端

遊童蘇合帶倡女蒲葵扇初日映城時相思忽相見窈

棠路露草理髮回花面薄暮不同歸留情此芳句

柘彈連錢馬銀鉤安墮鬟採桑春陌上踏草夕陽間意
合詞先露心誠貌卻閒明朝若相憶雲雨出巫山

春遊曲三首

張仲素

煙柳飛輕絮風榆落小錢濛濛百花裏羅綺競鞦韆
騁望登香閣爭高下砌臺林間踏青去席上意錢來
行樂三春節林花百和香當年重意氣先佔關雎場

樂府

古辭

欽定四庫全書

樂府詩集
卷九十七

行胡從何方列國持何來趨趨趨五木香迷迷艾蒿
及都梁

同前

魏明帝

種瓜東井上冉冉自踰垣與君新為婚小葛相結連寄
託不肖軀有如倚太山兔絲無根株蔓延自登緣萍藻
託清流常恐身不全校蒙丘山惠賤妾執拳奉天日照
知之想君亦俱然

同前三首

劉言史

花領紅駿一向偏綠槐香陌欲朝天仍嫌飛裏矯行忌
傍韁深藏白玉鞭

噴珠團香小桂條玉鞭兼賜霍嫖姚弄影便從天禁出
碧蹄聲碎五門橋

同前

顧況

暖谷春光至宸遊近甸榮雲隨天仗轉風入御簾輕翠
益浮佳氣朱樓倚太清朝臣冠劍退宮女管絃迎細草
承雕輦繁花入幔城文房開聖藻武衛宿天營玉醴隨
觴至銅壺逐漏行五星含土德萬姓徹中聲親祀先崇
典躬推示勸耕國風新正樂農器近消兵道德關河固
刑章日月明野人同鳥獸率舞感昇平

同前

權德輿

光風澹蕩百花吐樓上朝朝學歌舞身年二八墜侍中
幼妹承恩兄尚主綠牕珠箔繡鴛鴦侍婢先焚百和香
鶯啼日出不知曙寂寂羅幃春夢長

同前三首

孟郊

蓮子不可得荷花生水中猶勝道傍柳無事一作時蕩春風

淥萍與荷葉同此一水中風吹荷葉在淥萍西復東

蓮花未開時苦心終日卷春水一作風徒蕩淥荷花未開

展

同前

陸長源

芙蓉初出水菡萏露中花風吹著枯木無奈值空枝

雜曲二首

王筠

欽定四庫全書

樂府詩集卷之十七

鳥一作鳥還夜已逼蟲飛晚尚賒桂月徒留影蘭臺空結

花

可憐洛城東芳樹搖春風丹霞映白日細雨帶輕虹

同前

傅綽

新人新寵住蘭堂翠帳金屏玳瑁牀叢星不如珠簾色

度月還如一作似粉壁先從來著名推趙子復有丹青發

皓齒一嬌一態本難逢如畫如花定相似樓臺宛轉曲

皆通絃管遠迤徹下風此殿笑語恒長笑偏省歡娛不

復同詞許人情太厚薄分明賦念能斟酌多作繡被為

鴛鴦長弄綺琴憎別鶴人今投寵要須堅會使歲寒恒

度前笑取辰星作心抱無轉無移千萬年

同前

徐陵

傾城得意已無儔洞房連閣未消愁宮中本道鴛鴦殿

為誰新起鳳凰樓綠黛紅顏兩相發千嬌百念情無歇

舞衫迴袖勝春風歌扇當窗似秋月碧玉宮妓自翩妍

絳樹新聲自一作最

可憐張星舊在天河上猶來張姓本

欽定四庫全書

樂府詩集卷之十七

連天二八年時不憂度傍邊得寵誰應一作相妬立春歷

日自當新正月春幡底頭故流蘇錦帳挂香囊織成羅

幌隱燈光只應私將琥珀枕暝暝上來珊瑚牀

同前三首

江總

行行春還靡無綠纖素那復解琴心乍愜南陌悲綠草

誰堪東陌怨黃金紅顏素月俱三五夫婿何在今追虜

關山隴月春雪水誰見人啼花照戶

殿內一處起金房併勝餘人白玉堂珊瑚挂鏡臨網戶